



文獻通考卷二百五十

鄧 陽 馬 端 臨 貴 興 著

帝系考一

帝號忘年

黃帝少典之子姓公孫名軒轅生於壽邱神農氏世衰諸侯相侵伐蚩尤最暴黃帝徵師諸侯擒殺蚩尤諸侯尊黃帝爲天子在位百年崩年百一十歲

帝顓頊高陽黃帝之孫昌意之子繼黃帝爲天子在位七十八年崩年九十八歲

帝嚳高辛黃帝之曾孫元嚳之孫蟠極之子繼顓頊爲天子在位七十年崩年百五歲

帝堯帝嚳之子姓伊祁名放勳帝嚳崩而長子摯代立封堯爲唐侯帝摯立不善在位九年唐侯德盛乃禪位於唐侯堯以甲辰卽位都平陽號陶唐氏在位七十年薦舜攝政又二十八年崩在位九十八年壽一百一十八首甲辰盡癸未

帝舜顓頊七世孫瞽瞍之子姓姚氏名重華年三十堯舉之年五十攝行天子事年五十八堯崩年六十一以丙戌歲代堯踐帝位都蒲阪號有虞氏三十一年以丁巳歲禪於禹又八年崩壽一百歲首丙戌盡癸亥

夏禹顓頊之孫鯀之子姓姒氏名文命治水有功舜使宅百揆年七十二以丁巳歲受舜禪卽天子位都平陽安邑在位二十七年癸未崩壽百歲

啟禹子以甲申嗣位九年壬辰崩

太康啟子以癸巳嗣位二十九年辛酉以盤遊無度爲有窮后羿距於河失邦而崩

仲康太康子以壬戌嗣位十三年甲戌崩

帝相仲康子以乙亥嗣位二十八年壬寅爲羿所弑寒泥殺羿并滅相相之臣靡逃於有鬲氏相之后還於有仍氏生少康至四十一年壬午靡自有鬲氏滅寒泥而立少康

少康相子以壬午滅寒泥嗣立二十二年癸卯崩 帝杼少康子以甲辰嗣立十七年庚申崩

帝槐杼子以辛酉嗣立二十六年丙戌崩 帝芒槐子以丁亥嗣立十八年甲辰崩

帝泄芒子以乙巳嗣立十六年庚申崩 帝不降泄子以辛酉嗣立五十九年己未崩

帝扃不降子以庚申嗣立二十一年庚辰崩 帝廛扃子以辛巳嗣立二十一年辛丑崩

帝孔甲廛子以壬寅嗣立三十一年壬申崩 帝皋孔甲子以癸酉嗣立十一年癸未崩

帝發皋子以甲申嗣立十九年壬寅崩

帝履癸是爲桀以癸卯嗣立五十三年乙未以失道爲殷湯所伐戰於鳴條師敗湯放之南巢夏亡 右夏一十

七世共四百五十九年首丁巳盡乙未內寒泥篡位四十一年

殷湯契之十四世孫姓子氏名履以夏桀之三十五年丁丑卽諸侯位自商邱徙都亳以乙未伐桀滅夏卽天子

位十三年丁未崩壽百歲

太甲湯孫以戊申嗣立三十三年庚辰崩 沃丁太甲子以辛巳歲嗣立二十九年己酉崩

太庚沃丁弟以庚戌嗣立二十五年甲戌崩 小甲太庚子以乙亥嗣立十七年辛卯崩

雍己小甲弟以壬辰嗣立十二年癸卯崩

大戊雍己弟以甲辰嗣立七十五年戊午崩

仲丁大戊子以己未嗣立十三年辛未崩

外壬仲丁弟以壬申嗣立十五年丙戌崩

河亶甲外壬弟以丁亥嗣立九年乙未崩

祖乙河亶甲子以丙申嗣立十九年甲寅崩

祖辛祖乙子以乙卯嗣立十六年庚午崩

沃甲祖辛弟以辛未嗣立二十五年乙未崩

祖丁沃甲兄以丙申嗣立三十二年丁卯崩

南庚沃甲子以戊辰嗣立二十五年壬辰崩

楊甲祖丁子以癸巳嗣立七年己亥崩

盤庚陽甲弟以庚子嗣立二十八年丁卯崩

小辛盤庚弟以戊辰嗣立二十一年戊子崩

小乙小辛弟以己丑嗣立二十八年丙辰崩

武丁小乙子以丁巳嗣立五十九年乙卯崩

祖庚武丁弟以丙辰嗣立七年壬戌崩

祖甲祖庚弟以癸亥嗣立三十三年乙未崩

廩辛祖甲子以丙申嗣立六年辛丑崩

庚丁廩辛弟以壬寅嗣立二十一年壬戌崩

武乙庚丁子以癸亥嗣立四年丙寅崩

太丁武乙子以丁卯嗣立三年己巳崩

帝乙太丁子以庚午嗣立三十七年丙午崩

受辛帝乙子是爲紂以丁未嗣立無道三十二年戊寅周武王伐之戰於牧野師敗受死殷亡 右殷二十八世

共六百四十四年首乙未盡戊寅

周武王后稷十六世孫文王之子姓姬氏名發以商紂二十三年己巳嗣爲西伯至己卯勝殷殺受卽天子位七

年乙酉崩壽九十三

成王名誦武王子以丙戌嗣立三十七年壬戌崩歲四十四歲

康王名釗成王子以癸亥嗣立二十六年戊子崩

昭王名瑗康王子以己丑嗣立五十一年己卯崩

穆王名滿昭王子以庚辰嗣立五十五年甲戌崩

共王名繁廬穆王子以乙亥嗣立十二年丙戌崩

懿王名囂共王子以丁亥嗣立二十五年辛亥崩

孝王名辟方共王弟以壬子嗣立十五年丙寅崩

夷王名燮懿王子以丁卯嗣立十六年壬午崩

厲王名胡夷王子以癸未嗣立三十七年無道為國人所逐出奔周召二伯行政謂之共和十五年癸酉崩於瑤

宣王名靜厲王子以甲戌嗣立四十六年己未崩

幽王名宮涅宣王子以庚申嗣立無道十一年庚午為犬戎所伐敗死

平王名宜曰幽王子以辛未嗣立五十一年辛酉崩 桓王名林平王孫以壬戌嗣立二十三年甲申崩

莊王名佻桓王子以乙酉嗣立十五年己亥崩 釐王名胡齊莊王子以庚子嗣立五年甲辰崩

惠王名閔釐王子以乙巳嗣立二十五年己巳崩 襄王名鄭惠王子以庚午嗣立三十三年壬寅崩

頃王名壬臣襄王子以癸卯嗣立六年戊申崩 匡王名班頃王子以己酉嗣立六年甲寅崩

定王名瑜匡王弟以乙卯嗣立二十一年乙亥崩 簡王名夷定王子以丙子嗣立十四年己丑崩

靈王名泄心簡王子以庚寅嗣立二十七年丙辰崩 景王名貴靈王子以丁巳嗣立二十五年辛巳崩子猛立為悼王王子朝殺猛代立晉逐子朝立敬王

敬王名丐景王子以壬午嗣立四十四年乙丑崩 元王名仁敬王子以丙寅嗣立六年辛未崩

貞定王名介元王子以壬申嗣立二十八年己亥崩太子去疾立為哀王王叔襲殺之代立為思王

思王以庚子嗣立爲其弟少隗所殺

考王名少隗以辛丑嗣立十五年乙卯崩

威烈王名午考王子以丙辰嗣立二十四年己卯崩

安王名驪威烈王子以庚辰嗣立二十六年乙巳崩

烈王名喜安王子以丙午嗣立七年壬子崩

顯王名扁烈王弟以癸丑嗣立四十八年庚子崩

慎靚王名定顯王子以辛丑嗣立六年丙午崩

赧王名延慎靚王子以丁未嗣立五十九年乙巳爲秦所攻王奔秦盡獻其邑三十六秦受之是歲王崩周亡

右周三十七世共八百六十七年首己卯盡乙巳內共和行政十五年 自周亡至秦始皇滅六國稱皇帝以前

首丙午盡己卯共三十四年

秦始皇伯翳之後莊襄王之子母呂不韋姬姓嬴氏名政以周亡後九年甲寅嗣立爲秦王立二十七年庚辰盡

滅六國稱始皇帝後十二年辛卯崩

二世皇帝名胡亥始皇少子以壬辰嗣立三年甲午爲趙高所弑立二世兄子嬰乙未漢高祖入秦子嬰降秦亡

右秦二世共十五年首庚辰盡甲午

漢太祖高皇帝沛豐邑中陽里人姓劉氏名邦父太公母媼以秦二世元年壬辰年三十起兵爲沛公乙未入關

滅秦爲漢王五年己亥滅項籍卽皇帝位都長安十二年丙午崩壽五十三

孝惠皇帝名盈高祖太子母呂后以丁未嗣立時年十七在位七年癸丑崩壽二十四呂太后取後宮子以爲帝

子立之太后臨朝稱制九年辛酉呂后崩諸呂作亂大臣誅之立文帝

太宗孝文皇帝名恆高祖中子母薄姬年五歲立爲代王二十三歲辛酉太尉周勃等迎立爲皇帝在位二十三

年甲申崩壽四十六

孝景皇帝名啟文帝太子母竇皇后三十二歲乙酉嗣立在位十六年庚子崩壽四十八

世宗孝武皇帝名徹景帝中子母王美人十六歲嗣立在位五十四年甲午崩壽七十一 改元十一 <sub>建元六
元光六</sub>

元朔六 元狩六 元鼎六 元封六 太初
四 天漢四 太始四 征和四 後元二

孝昭皇帝名弗陵武帝少子母趙婕妤八歲乙未嗣立在位十三年丁未崩壽二十二 改元三 <sub>始元六 元平一
元鳳</sub>

中宗孝宣皇帝名詢武帝曾孫戾太子孫史皇孫子母王夫人昭帝崩無嗣大將軍霍光立昌邑王賀賀無道廢

之更立帝時年十八丁未嗣立在位二十五年壬申崩壽四十三 改元七 <sub>本始四 地節四 元康四 神爵
四 五鳳四 甘露四 黃龍一</sub>

高宗孝元皇帝名爽宣帝太子母許皇后年二十七癸酉嗣立在位十六年戊子崩壽四十三 改元四 <sub>初元五
永光</sub>

五 建昭五
竟寧十一

孝成皇帝名騫元帝太子母王皇后年二十己丑嗣立在位二十六年甲寅崩壽四十六 改元七 <sub>建始四
平四 陽明河</sub>

四 鴻嘉四 永始四
元延四 綏和二

孝哀皇帝名欣元帝庶孫定陶恭王子母丁姬成帝無子立為太子年二十七卯嗣立在位六年庚申崩壽二十

六 改元二 <sub>延平四
元壽二</sub>

孝平皇帝名衍元帝庶孫中山孝王子母衛姬哀帝崩無子太皇太后遣使迎立之年九歲辛酉嗣立在位五年

乙丑為王莽所鳩崩壽十四 改元一 <sub>元始
五始</sub>

王莽立孺子嬰自為攝皇帝三年至戊辰莽篡位 右西漢十二帝共二百一十四年始乙未盡戊辰王莽以己

已寡位稱新室十五年癸未為漢兵所誅淮陽王劉元立二年為赤眉所滅莽元共十六年 改元四建國五 天鳳六

地皇三 更始二

東漢世祖光武皇帝名秀南陽人高祖九世孫父南頓令欽帝以王莽篡位之十四年壬午起兵乙酉即皇帝位

遷都洛陽時年二十九在位二十三年丁巳崩壽六十二 改元二建武三十一 中元二

顯宗孝明皇帝名莊光武第四子母陰皇后年二十以戊午嗣立在位十八年乙亥崩壽四十八 改元一永平十八

肅宗孝章皇帝名烜顯宗第五子母賈貴人年十九以丙子嗣立在位十三年戊子崩壽三十三 改元三建初八

元和二 章和二

孝和皇帝名肇肅宗第四子母梁貴人年十歲以己丑嗣立在位十七年乙巳崩壽二十七 改元二永元十六 元興一

孝殤皇帝名隆和帝少子生始百日嗣立丙午崩壽二歲 改元一延平

恭宗孝安皇帝名祐肅宗孫父清河孝王母左姬殤帝崩太后立為孝和皇帝嗣年十三以丁未立嗣在位十九

年乙丑崩壽三十二 改元五永初七 元初六 永寧一 建光一 延光四

孝順皇帝名保安帝子母李氏年十一以丙寅嗣立在位十九年甲申崩壽三十 改元五永建六 漢安二

靈康一

孝沖皇帝名炳順帝子母虞貴人年二歲以乙酉嗣立一年崩壽三歲 改元一永嘉

孝質皇帝名讚肅宗元孫父渤海孝王母陳夫人冲帝崩皇太后詔嗣立時年八歲在位一年為梁冀所鳩崩年

九歲 改元一本初

孝桓皇帝名志肅宗曾孫父蓋吾侯翼母區氏質帝崩太后與梁冀迎立之年十五歲以丁亥嗣立在位二十一

年丁未崩壽三十六 改元七 建和三 和平二 元嘉一 永興

孝靈皇帝名宏肅宗元孫父解瀆亭侯母董夫人桓帝崩無子皇太后迎立之時年十二以戊申嗣立在位二十

一年戊辰崩壽三十四 改元四 建寧四 熹平六 光和大 中平六

孝獻皇帝名協靈帝中子母王美人靈帝崩董卓廢少帝為弘農王立帝年九歲以己巳嗣立在位三十二年以

庚子禪位於魏後十三年壬子崩壽五十四 改元四 初平四 興平二 建 安二十四 延康一 右東漢十二帝共一百九十六

年首乙酉盡庚子

蜀漢昭烈皇帝名備涿郡涿縣人景帝子中山靖王勝之後父弘以建安十九年甲午取蜀二十四年己亥稱漢

中辛丑即皇帝位三年癸卯崩壽六十三 改元一 章武 三

後主名禪昭烈帝子年十一以甲辰嗣立在位四十一年為魏所滅 改元四 建興十五 景耀五 延熙二十 炎興元 右蜀漢

二帝共四十二年首辛丑盡癸未

魏文帝沛國譙人姓曹氏名丕武王太子以庚子受漢禪即皇帝位時年三十三在位七年丙午崩壽四十 改

元一 黃初 七

明皇帝名叡文帝太子年二十二以丁未嗣立在位十三年己未崩壽三十五 改元三 太和六 景初三 青龍

齊王名芳明帝養為子年九歲以庚申嗣立在位十四年癸酉為司馬師所廢時年二十三 改元二 正始九 嘉平五

高貴鄉公名髦文帝孫東海定王霖子司馬師既廢齊王迎立之年十四以甲戌嗣立在位六年己卯以討司馬

昭不克遇弒年二十 改元二 正元二 甘露四

陳留王名奐武帝孫燕王字子司馬昭既弒高貴鄉公迎立之年十五以庚辰嗣立 在位五年乙酉禪於晉 改

元二 景元四 咸熙二 右魏五帝共四十六年首庚子盡乙酉

吳大帝吳郡富春人姓孫氏名權長沙太守堅之子討逆將軍策之弟漢末封吳王及魏王丕篡逆權以辛丑歲

稱帝在位三十一年辛未崩壽七十一 改元六 黃武七 黃龍三 嘉禾六 赤烏十三 太元一 神鳳一

會稽王名亮大帝少子以壬申年嗣立 在位六年為權臣孫綝所廢庚辰歲亮以謠言自殺時年十六 改元三

建興二 太平二 五鳳二

景帝名休大帝第六子會稽王亮之兄初封瑯琊王戊寅歲孫綝廢亮迎而立之 在位六年甲申歲崩時年三十

改元一 永安六

歸命侯名皓大帝之孫太子和之子初封烏程侯景帝崩吳人迎而立之 晉咸寧末武帝令將軍王濬等率兵伐

之皓戰敗詣軍門請降太康元年徙皓洛陽封歸命侯 在位十七年壽四十 改元八 元興一 甘露一 建衡三 鳳凰三 費鼎

天冊一 天璽一 天紀四 右吳四帝共六十年首辛丑盡庚子

晉世祖武帝河內溫縣孝敬里人姓司馬氏名炎宣王之孫文王之子以乙酉受魏禪即皇帝位時年二十九

在位二十六年庚戌崩壽五十五 改元三 泰始十 咸寧十 泰康十

孝惠皇帝名衷武帝第二子以庚戌嗣立時年三十一 在位十七年丙寅崩壽四十八 改元七 永熙一 永康一 元康

永寧一 永安二 光熙一

帝系考

五

孝懷皇帝名熾武帝第二十五子惠帝時立為皇太弟帝崩以丙寅嗣立時年二十三在位五年辛未劉曜石勒

兵陷洛陽蒙塵於平陽壬申遇害壽三十 改元一永嘉

孝愍皇帝名鄴武帝孫吳孝王宴之子洛陽傾覆奔長安眾推為太子懷帝崩以癸酉即位時年十三在位四年

丙子劉曜陷長安丁丑遇害壽十八 改元一建興 右西晉四帝共五十二年首乙酉盡丙子

元皇帝名睿宣帝曾孫瑯琊恭王觀之子襲封鎮建鄴愍帝遇害以丁丑嗣立時年四十一在位六年壬午崩壽

四十七 改元三建武一 永昌一 大興

明皇帝名紹元帝太子以癸未嗣立時年二十四在位三年乙酉崩壽二十七 改元一太監

成皇帝名衍明帝太子以丙戌嗣立時年五歲在位十七年壬寅崩壽二十一 改元二咸和九 咸康八

康皇帝名岳成帝母弟以癸卯嗣立時年二十在位二年甲辰崩壽二十二 改元一建元

穆皇帝名聃康帝子以乙巳嗣立時年二歲在位十七年辛酉崩壽十九 改元二永和十二 升平五

哀皇帝名丕成帝子以壬戌嗣立時年二十一在位四年乙丑崩壽二十五 改元二隆和一二 興寧三

廢帝名奕哀帝母弟哀帝崩皇太后詔立之以丙寅嗣立時年二十四在位六年辛未桓溫廢之 改元一太和

簡文帝名顯元帝少子封會稽王桓溫既廢海西公迎立之以辛未嗣立時年五十一在位二年壬申崩壽五

十三 改元一咸安

孝武皇帝名曜簡文帝子以癸酉嗣立時年十一在位二十四年丙申崩壽三十五 改元二隆安三 隆和一二 太

安皇帝名德宗孝武帝長子以辛酉嗣立時年十五在位二十二年戊午崩壽四十一 改元三隆安五 隆和一二 義熙十四 元興

恭皇帝名德文安弟母帝以己未嗣立時年三十四在位二年庚申禪位於宋遇害壽三十六 改元一 元開二

右東晉十一帝共一百有四年首丁丑盡庚申

宋高祖武帝彭城綏輿里人姓劉氏名裕以庚申受晉禪即皇帝位時年五十七在位三年壬戌崩壽六十 改元一 永初二

少帝名義符武帝長子以壬戌嗣立時年十七在位二年癸亥徐羨之等廢弑之壽十九 改元一 景平二

太祖文皇帝名義隆武帝第三子封宜都王少帝廢大臣迎立之以甲子嗣立時年十六在位三十年癸巳為元

凶邵所弑壽四十六 改元一 元嘉三

世祖孝武皇帝名駿文帝第三子封武陵王元凶邵弑逆入討賊以甲午嗣立時年二十四在位十一年甲辰崩

壽三十五 改元二 孝建三 大明八

前廢帝名子業孝武帝長子以甲辰嗣立時年十六在位一年荒淫無道遇弑壽十七 改元一 景和元

太宗明皇帝名彧文帝第十一子封淮陽王廢帝遇弑以乙巳嗣立時年二十六在位八年壬子崩壽三十四

改元二 泰始七 泰豫一

後廢帝名昱明帝太子以癸丑嗣立時年二十一在位五年丁巳以無道遇弑年二十五 改元一 元徽四

順皇帝名準明帝第三子封安成王廢帝殞蕭道成奉太后令立之以丁巳嗣立在位三年以己未禪於齊遇害

壽十歲 改元一 昇明三 右宋八帝共六十年首庚申盡己未

齊太祖高皇帝東海蘭陵郡人姓蕭名道成以己未歲受宋禪即皇帝位時年五十二在位四年壬戌崩壽五十

五 改元一 建元四

世祖武皇帝名頤高帝長子以壬戌嗣立時年四十二在位十二年癸酉崩壽五十三 改元一 永明十一

廢帝名昭業武帝長孫立為太孫以癸酉嗣立為西昌侯鸞廢而弑之二十二歲再立海陵王昭文復廢之 改

元二 隆昌延興

高宗明皇帝名鸞始安貞王道生之子既廢二帝以甲戌嗣立時年四十二在位五年戊寅崩壽四十六 改元

二 隆昌延興

廢帝名寶卷明帝第二子以己卯嗣立時年十六立三年辛巳無道遇弑壽十八 改元一 永元三

和帝名寶融明帝第八子以辛巳嗣立禪於梁遇害壽十五 改元一 中興元 右齊六帝共二十三年首己未盡

辛巳

梁高祖武皇帝南蘭陵中都里人姓蕭氏名衍以壬午歲受齊禪時年三十五在位四十八年己巳崩壽八十二

改元七 天監十八 普通七 大通二 中大通三 大同十一

太宗簡文皇帝名綱武帝第三子昭明太子薨立為太子以己巳嗣立三年辛未侯景廢而弑之壽四十九 改

元一 大寶三

世祖孝元皇帝名繹武帝第七子封湘東王侯景篡立王僧辨等起兵討誅景以壬申嗣立位三年甲戌為西

魏所滅遇害壽四十七 改元一 承聖三

敬皇帝名方智元帝第九子封晉安王魏克江陵陳霸先等迎立之以乙亥嗣立位三年丁丑禪於陳遇害壽

十六 改元二紹泰二 太平二 右梁四帝共五十六年首壬午盡丁丑

陳高祖武帝吳興長城下若里人姓陳氏名霸先以丁丑受梁禪時年五十四在位三年己卯崩壽五十六

改元一永定三

世祖文皇帝名禧武帝兄始興昭烈王之長子武帝受禪為臨川王以庚辰嗣立七年丙戌崩壽四十五 改元

二天嘉六 天康一

廢帝名伯宗文帝長子以丙戌嗣立在位三年戊子安成王瑱廢之而自立未幾伯宗崩壽十九 改元一光大

高宗宣皇帝名瑱始興昭烈王次子以戊子嗣立時年四十在位十五年壬寅崩 改元一太建

後主名叔寶宣帝太子以壬寅嗣立年三十在位七年己酉隋滅之 改元二至德四 禎明三 右陳五帝共三十三年

首丁丑盡己酉

後魏太祖道武皇帝其先世為代北鮮卑君長姓拓拔氏名珽以丙戌即代王位郊天改元時晉孝武太十三年

戊戌取燕即帝位又十二年己酉為拓拔紹所弑壽三十九年 改元四登國十 皇始二 天興六 天賜四

太宗明元皇帝名嗣道武帝子以己酉嗣立在位十五年癸亥崩壽三十二 改元三永興五 泰常八 神瑞

世祖太武皇帝名壽明元帝長子以甲子嗣立在位二十九年壬辰為宗愛所弑壽四十五 改元六始光四 神龜四

太延五 延和三 太平二 平眞君十一

高宗文成皇帝名濬太武帝嫡孫以壬辰嗣立在位十四年乙巳崩壽十六 改元四興安三 延安五 興光二 和平六

顯祖獻文皇帝名弘文成帝長子以乙巳嗣立在位七年辛亥禪位於太子宏又五年丙辰崩壽二十三 改元

二天安二
皇興五

高祖孝文皇帝名宏獻文帝太子以辛亥受禪在位二十九年己卯崩壽三十三 改元三 延興大 承明一 太和二十三

世宗宣武皇帝名恪孝文第二子為皇太子以己卯嗣立在位十七年乙未崩壽三十三 改元四 景明四 永平 始四

昌四 延

肅宗孝明皇帝名詡宣武帝第二子以乙未嗣立在位十四年戊申崩壽十九 改元五 顯平二 神龜二 正 光五 孝昌三 武泰

一

敬宗孝莊皇帝名子攸彭城王勰第二子封長樂王明帝崩爾朱榮立之以戊申嗣立三年庚戌誅爾朱榮為其

黨所弒壽二十四 改元二 建義一 永安三

節閔帝名恭廣陵惠王羽之子少襲爵爾朱世隆既弒敬宗迎立之以辛亥嗣立一年壬子高歡廢而弒之壽二

十四 改元一 普泰

孝武皇帝名修唐平武穆王懷之子封平陽王高歡既廢節閔奉渤海太守元朗為帝後廢之而立帝以壬子嗣

立 在位三年至甲寅西奔長安崩壽二十五 改元一 永熙三

孝靜皇帝名善見清河王亶之子子孝武帝既西入關高歡奉帝立之為東魏以甲寅嗣立時年十一在位十七

年庚午禪於齊未幾遇害壽二十八 改元四 天平四 元象元 興和四 武定八

文皇帝名寶炬孝文帝之孫京兆王愉之子封南陽王孝武崩宇文泰立之以甲寅嗣立在位十八年辛未崩壽

四十五 改元一 大統 十八

廢帝名欽文帝長子以辛未嗣立
在位三年癸酉爲宇文泰所廢尋弒之壽十六 不改元

恭皇帝名廓文帝第四子以甲戌嗣立
三年丙子禪於周末幾周人殺之壽二十一 不改元 右魏十五帝共

一百七十一年首丙戌盡丙子

北齊顯祖文宣皇帝渤海蓀人姓高氏名洋神武王歡之次子以庚午受魏禪
卽皇帝位在位十年己卯崩壽三

十一 改元一天保

廢帝名殷文宣太子以己卯嗣立
一年庚辰常山王演廢之而自立尋遇害壽十五 改元一乾明

孝昭皇帝名演神武第六子以庚辰嗣立
一年崩壽二十七 改元一皇建

世祖武成皇帝名湛神武第九子辛巳嗣立
五年乙酉禪位於太子稱太上皇又四年戊子崩壽三十二 改元

一太憲 二河清 四

後主名緯武成帝長子以乙酉嗣立
在位十三年丁酉爲周所滅 改元三天統 五武平 八隆化 元 右北齊五帝共二

十八年首庚午盡丁酉

周閔帝姓宇文氏名覺代郡武川人文王泰之子以丙子受魏禪
一年丁丑爲晉公護廢而弒之壽十六 不改元

元

世宗明皇帝名毓文王子晉公護廢閔帝迎立之
以丁丑嗣立四年庚辰崩壽二十七 改元二武成 二

高祖武皇帝名邕文王第四子庚辰嗣立
在位十九年戊戌崩壽三十六 改元四保德 五天和 六宣政 一

宣皇帝名贊武帝長子以戊戌嗣立
己亥傳位太子稱天元庚子崩壽二十一 改元一大成

文帝名衍宣帝長子庚子嗣立辛丑禪於隋遇害壽九歲 不改元大象 右周五帝共二十六年首丙子盡辛

丑

隋高祖文皇帝弘農華陰人姓楊氏名堅以辛丑受周禪在位二十四年甲子崩壽六十四 改元二開皇二十

煬皇帝名廣高祖次子以甲子嗣立在位十五年戊寅無道遇弒壽五十 改元一大業

恭皇帝名侑煬帝孫元德太子之子唐公李淵入長安立之以丁丑嗣位戊寅禪於唐封為鄜國公武德二年崩

壽十五 改元一義 右隋三帝共三十八年首辛丑盡戊寅

唐高祖神堯大聖大光孝皇帝隴西成紀人姓李氏名淵以丁丑自太原留守起兵入長安戊寅受隋禪即皇帝

位時年五十五在位八年丙戌傳位於太宗稱太上皇又十年乙未崩壽七十二 改元一武德

太宗文武大聖大廣孝皇帝名世民高祖次子母竇皇后初封秦王太子建成誅立為皇太子以丙戌嗣立時年

二十九在位二十三年己酉崩壽五十二 改元一貞觀二

高宗天皇大聖大弘孝皇帝名治太宗第九子母長孫皇后初封晉王太子承乾廢立為皇太子以己酉嗣立時

年二十二在位三十四年癸未崩壽五十六 改元十四永徽六 顯慶五 龍朔三 麟德二 乾封二 總

元 開耀元 永 隋元 弘道元

中宗孝和大聖大昭孝皇帝名顯高宗第七子母武皇后為皇太子癸未嗣立甲申武后廢之後二十二年乙巳

復辟在位五年庚戌為韋后所弒壽五十五 改元三嗣聖一 景龍三

武后改元十二光宅元 垂拱四 永昌元 載初元 天授二 長壽二 延載元 天冊萬歲元 萬歲通天元 神功元 聖歷二 久觀元 長安四